



ATANIUYUNUT NAINAQHIMAYUQ

Quinguyup-Nunaqaaqtut Ukiurtaqtumilu Havaktit Kanata (CIRNAC) tuhaumaqatauyumayut piqauyut naunaiyaqninut tapkuat imaqmun laisakhamun tukhigautit havagutai tapkunanga Nunavut Imaliguiyit Katimayit (NWB-kut). Tamna Timinga aulattiqatauyut Nunavutmi imigaulat imaqaqnit tapkununga NWB-kut piplugit havagiyaqaqnit havagiyauni piniqhamik malikhugit tapkuat *Nunavut Angigutit*, tapkuat *Nunavut Imait tamnalu Nunavut Nunap Qangani Piyungnautiligiyit Apiqhuiyigalaat Piquyat maligaitlu*, tapkuatlu Timinga tapkuat *Inuligiyituqatkut Ukiurtaqtumilu Pivaliayuligiyit Piquyat*.

CIRNAC-kut Imait Piqaqninut Havakviat pinahuaqhimayut tapkuninga Pitquhiliqutit Naunaiyaqni tapkuat Laistaqhimayut (Sabina-kut) imaqmun laisa tukhigauta ikayuqhitailu titiqat hapumityutainut imigaulat imait nakuunit, tapkuat imaugaqni imait atuqni iqakutlu iqaqtauni piplugit tapkuat uuktutat Hanningayut Kuugaq Havanguyut. Una ilalik naunaiyaqni havakvik aulatauni munagiyauninutlu parnautit tapkualuttauq havagutai hanatyuhikhaliugutit. Tamaita tukligikni tapkuat Havanguyut naunaiyaqtauhimayut (naunaipkutagiplugu, hanayaunia, aulataunia, umiknia, umikhimaliqaqtitlugulu).

Piplugit tapkuat naunaiyaqni titiqat piqaqtitai Sabina-kut, tapkuatlu Sabina-kut kiutyutai tapkununga CIRNAC-kut, tapkuat Imait Piqaqnit Havakvia naunaiqtai malguk (2) amiakuk Pitquhiliqutit Naunaiyaqni Uqauhit ihumagiyakhai tapkuat NWB-kut tapkuatlu Sabina-kut atuqtukhami Inungnik Naalakvik talvani Ikaluktutiuk, Nunavut. Nainaqhimani atuni tahapkuat Pitquhiliqutit Naunaiyaqni Uqauhit piqaqtitauyut tahapkuat:

1. Uyagaktaqnikut Tutqumavia Havaguta Aulataunia

Manikhaqnia imaiyaqnialu tamna Uyagaktaqnikut Tutqumavia Havaguta (TSF-nga) – Sabina-kut nutanguqtai Titigauyat A-02 tamnalu A-09 hannaiyaqhimayut takukhaupkaqninut hivunikhami manikhaqni kuukvikhailu taphuma Uyagaktaqnikut Kuvigaiviup Hiamaktailivia. Kihimik tapkuat titigauyat takukhautittiangitai kuukvit humuyangi immap tahamanga kanangnanit Uyagaktaqnikut Kuvigaiviup/Iqakut Uyaqat Tutqumavia (WRS-nga) immiqtaqvia piyanga havagutauyut aktuqtai immat tahigaq pingangnaani haavgutip.

2. Tagiuqarniq Imaq Aulataunia

Naamaknia Atuqnirhaq tamnalu Tagiuqarniq Tahigat – Sabina-kut piqaqtitai ilagiagutit tuhagakhat takukhautitnianut tamna Atuqnirhaq Tahigaq naamaktumik immilaqnia kuukviuyanga aulataunilu (pakpaktaunia kuukviuni) piqatailu ubluqmun kuukvigini. Kihimik, naunaiyatqikhaqninit, ihumaalutiliuyugut piplugit (1) tamna naamaknia taphuma 1-ubluq hilalukpiaqnia aktilanganut tahiqaq naahugiayut tutqumaviuni aktilanga (pakpakhimaittumik kuvigaqtitnia) pitaqninut ihumagiayut; tamnalu (2) hivuganaqnia ihuilittautai.

Nautiumatit



Nautiumatit taphumunga Havanguyumun angigutauyut tahapkunanga piqatauyunit: Sabina-kut, Kitikmeot Inuit tapkuatlu CIRNAC-kut. Tapkuat katitlugit angigutit aktilanganut taphumunga Hanningayuq Kuugaq havanguyuq tamnauyuq \$43,189,307. Nautiumatit taphumunga havanguyumun tuniyauniat tukligikninut atuni Havanguyuq ilagiyai pigiaqninit havagiyauliqniluniit. Una pipkaqta Havanguyumun atuliqnikha pihimaittumik Havanguyuq atugaqaliqtitnia kavamatuqatkutnut tamnalu/tamnaluniit nunamik nanminilikmun.